

Um hústökur

Landsfundur Ungra vinstri grænna, haldinn í Reykjavík 15. og 16. október 2010, ítrekar kröfu þess efnis að ríkisstjórn Vinstri grænna og Samfylkingar endurskoði stefnu hins opinbera til hústöku og hvetur Alþingi til að mynda skýra lagalega umgjörð til að heimila hústökur. Fjöldi bygginga stendur auður og tilbúnar til niðurrifs á meðan margir borgarar gætu notið húsaskjóls þar eða nýtt undir félagslega starfsemi. Ung vinstri græn telja að nýtingaréttur eigi að vera eignarrétti æðri og sjá ekkert að því að þá sem vanti þak yfir höfuð sitt dvelji í yfirgefnum húsum, svo fremi sem þar séu ekki unnin eignaspjöll.

Árangur áfram – ekkert stopp!

Landsfundur Ungra vinstri grænna, haldinn í Reykjavík 15. og 16. október 2010, fagnar þeim árangri sem náðst hefur í jafnréttismálum hér á landi á undanförnum árum. Ísland vermir efsta sætið þegar kemur að jafnrétti þjóða annað árið í röð, samkvæmt nýrri skýrslu Alþjóðaefnahagsráðsins. Ung vinstri græn minna þó á að enn er langt í land þegar kemur að jafnrétti kynjanna hér á landi, þar sem kynbundið ofbeldi, óútskýrður kynbundinn launamunur og ójöfn kynjahlutföll í stjórnunarstöðum eru enn hluti af íslenskum veruleika. Ung vinstri græn hvetja stjórnvöld og aðila í íslensku atvinnulífi til að halda áfram sókn til jafnréttis svo að Íslendingar megi verða öðrum þjóðum fyrirmynnd í málafloknum.

Um aðskilnað ríkis og kirkju

Landsfundur Ungra vinstri grænna, haldinn í Reykjavík 15. og 16. október 2010, ítrekar þá kröfu hreyfingarinnar að ríki og kirkja skulu aðskilin og krefst þess að vinna við það hefjist tafarlaust. Raunverulegt trúfrelsi næst ekki á Íslandi meðan ríkið rekur eitt tiltekið trúfélag. Ung vinstri græn fagna yfirlýsingu Árna Þórs Sigurðssonar, formanns utanríkismálanefndar, þess efnis að hann muni leggja aðskilnað ríkis og kirkju fyrir Alþingi núna í veturn og skora á þingflokk VG að standa sameinaður að baki tillögunni.

Auðlindir í þjóðareign!

Landsfundur Ungra vinstri grænna, haldinn í Reykjavík 15. og 16. október 2010, krefst þess að nýtt stjórnlagabing skilgreini auðlindir Íslands til sjávar og sveita sem þjóðareign í stjórnarskrá Íslands. Nýting á auðlindum landsins í anda sjálfbærrar þróunar skal vera í þágu almenningss og stuðla að

uppbryggingu öflugs velferðarkefis. Sala á auðlindum eða nýtingarrétti þeirra til tugi ára til einkaaðila er með öllu óásættanleg og ber að varast sérstaklega að grípa í örvaentingu til slíkra hugmynda þótt Ísland þurfi að glíma við fjármálakreppu.

Félagslegar lausnir í húsnæðismálum

Landsfundur Ungra vinstri grænna, haldinn í Reykjavík 15. og 16. október 2010, vill að leitað verði fjölbreyttari leiða til að leysa þann vanda sem efnahagshrunið olli á húsnæðismarkaði hér á landi. Séreignarstefnan sem þjónar hagsmunum auðvaldsins er dauð og tími til komin að leita félagslegra lausna við vandanum. Nú hafa skapast aðstæður sem stjórnvöld geta nýtt sér til þess að hafa frumkvæði að því autt húsnæði sé nýtt til þess að stofna íbúasamvinnufélög á félagslegum grunni þar sem almenningi er boðið öruggt og boðlegt leiguþúsnæði á viðráðanlegu verði.

Greinargerð:

Íbúasamvinnufélög eru rekin víða um Evrópu á félagslegum grunni af og fyrir íbúa. Íbúar verða „hluthafar“ í félögunum og reksturinn er í þágu íbúa en ekki hluthafa á markaði. Þetta gerir það að verkum að öruggt leigu- og kaupleiguþúsnæði stendur fólki til boða á sanngjörnum kjörum. Félagsmálaráðuneyti, Íbúðalánasjóður, sveitarfélög og íbúasamvinnufélög þurfa að leggjast saman á eitt til að finna viðeigandi lausnir á vandanum. Húsnæði stendur autt víðsvegar um landið á meðan margir eiga ekki þak yfir höfuðið.

Álver í Helguvík

Landsfundur Ungra vinstri grænna, haldinn í Reykjavík 15. og 16. október 2010, leggst gegn stóriðjuframkvæmdum á borð við fyrirhugað álver í Helguvík og hvetur ríkisstjórnina til að leita annara leiða í atvinnusköpun. Það hefur margoft sýnt sig að álver eru ekki einungis dýr í framkvæmd og skila ekki þeim efnahagslega ávinningi sem margir vilja telja almenningi trú um, heldur stafar af þeim alvarleg hætta bæði fyrir umhverfið og heilsu manna, bæði hérlandis og annars staðar í heiminum. Álver hafa skaðleg áhrif á loftslagið auk þess sem báxítvinnsla veldur gríðarlegum skaða í öðrum heimshlutum, s.s Indlandi, Jamaíku og Nýju-Gíneu. Ísland býr yfir fjölmörgum möguleikum til atvinnusköpunar á grundvelli endurnýjanlegrar orku sem hefðu minna skaðleg áhrif á núlífandi sem og komandi kynslóðir. Það er á ábyrgð ráðamanna landsins að kanna alla aðra möguleika til atvinnusköpunar þá áður en farið er í illa ígrundaðar og óafturkræfar stóriðjuframkvæmdir til að leysa málín til skamms tíma. Landsfundur UVG lýsir yfir ánægju með störf Svandísar Svavarsdóttur sem umhverfisráðherra og styður hana í baráttunni fyrir sjálfbærri framtíð Íslands.

Um verkalýðshreyfinguna

Landsfundur Ungra vinstri grænna, haldinn í Reykjavík dagana 15. og 16. október 2010, skorar á verkalýðshreyfinguna að sýna félagsmönnum sínum meiri áhuga og bera hag þeirra að brjósti (en ekki stjórnmálamanna og annara) og félög tileinki sér lýðræðislegri vinnubrögð með aukinni upplýsingagjöf og stóraukinni hvatningu félaga til þátttöku.

Um sjávarútvegsmál

Landsfundur Ungra vinstri grænna, haldinn í Reykjavík 15. og 16. október 2010, lýsir yfir vonbrigðum með að þingflokkur Vinstri grænna hafi tilnefnt Björn Val Gíslason, þingmann flokksins í starfshóp um endurskoðun á fiskveiðistjórnun. Björn Valur er starfsmaður stórútgerðarinnar Brims og því vanhæfur sökum hagsmunatengsla. Landsfundur lýsir því yfir að samningaleiðin sé algjörlega óásættanleg niðurstaða og gangi í berhögg við stefnu VG.

Mannréttindaneftnd Sameinuðu þjóðanna hefur ályktað að fiskveiðistjórnunarkerfið í núverandi mynd sem komið var á undir forystu Sjálfstæðisflokkssins þar sem framsal aflaheimilda er leyft sé mannréttindabrot. Það er hlutverk ríkisstjórnar Vinstri grænna að bylta fiskveiðistjórnunarkerfinu og byggja upp nýtt og sanngjarnt kerfi með félagsleg sjónarmið að leiðarljósi.

Um niðurskurð í heilbrigðiskerfinu

Landsfundur Ungra vinstri grænna, haldinn í Reykjavík 15. og 16. október 2010, mótmælir harðlega þeim blóðuga niðurskurði sem boðaður er í heilbrigðisþjónustu á landsbyggðinni og lýsir furðu sinni á að ríkisstjórn sem kennir sig við velferð skuli standa fyrir slíku.

Fundurinn bendir á að slíkur niðurskurður er algjörlega á skjön við grundvallarstefnu Vinstrihreyfingarinnar - græns framboðs í byggða- og jafnréttismálum og hvetur Alþingi og ríkisstjórn til að forgangsaða í þágu fólksins í landinu og láti gæluverkefni sín bíða betri tíma.

Greinargerð:

Ríkisstjórnin hefur boðað 2 milljarða króna niðurskurð í heilbrigðisþjónustunni á næsta ári og verða heilbrigðisstofnanir á landsbyggðinni hvað mest fyrir honum. Margar heilbrigðisstofnanir þurfa að draga saman um 30-40% og eru flestir sem til þekkja sammála um að svo mikill niðurskurður eigi eftir að ganga að stofnunum dauðum. Verði tillagan að veruleika þarf fólk að ferðast fleiri hundruð kílómetra til að fá grunnþjónustu með tilheyrandi kostnaði og áhættu.

Ung vinstri græn telja að margt megi endurskoða í fjárlögunum til að brúa þetta bil. Með því að framfylgja stefnu VG um úrsögn úr Nató, að Ísland standi utan ESB og að aðskilja ríki og kirkju má ná fram talsverðum sparnaði. Málefni þessum liðum tengdum kosta þjóðina allt að 4 milljarða á ári. Þessu fjármagni telja UVG mun betur varið til að standa vörð um gott og öruggt heilbrigðiskerfi fyrir alla landsmenn.

Össur norður og niður

Landsfundur Ungra vinstri grænna, haldinn í Reykjavík 15. og 16. október 2010, fordæmir með öllu samninga um samstarf í varnarmálum sem utanríkisráðherra gerði nýverið. Samningarnir felast í því að Kanadaher fái að stunda æfingar á Íslandi og þjálfa þar hermenn sína til frekari drápa. Ákvörðun utanríkisráðherra er sem pungspark í samstarfsflokk hans og brýtur gróflega í bága við samstarfsyfirlýsingum Samfylkingar og Vinstri grænna.

Ung vinstri græn gera það að tillögu sinni að hervaldssleikjur verði fluttar til stórvelda handan Atlantshafsins þar sem þær geta fullnægt stríðsdraumórum sínum. Fjölmargir einstaklingar sem búið hafa í stríðshrjáðum löndum en stjórnvöld hafa kosið að senda úr landi hafa unnið sér meiri rétt til veru hérlendis og tala fyrir friði.